

tae, articulis duobus primis crassis (ultimi desunt), primo obconico, secundo latitudine capitis brevior. Pronotum leviter transversum, disco convexiusculo, versus apicem leviter declivi, callis haud distingvendis, margine apicali subrecto vel ab antico viso toto omnium levissime sinuato, lateribus subrectis, margine basali supra scutellum levissime sinuato. Scutellum basi detectum. Hemielytra cuneo fortiter declivi, membrana biareolata. Xyphus prosterni convexus. Orificia metastethii distincta, rimam obliquam crasse marginatam formantia. Coxae anticae apicem mesosterni subattingentes, posticae ab epipleuris hemielytrorum remotae. Femora postica reliquis multo longiora, sat leviter incrassata. Tibiae nigrospinulosae, anticae muticae. Tarsi postici articulo primo brevi, secundo tertio longiore, unguiculis late arcuatis, aroliis vix distingvendis.

Nyctella moerens n. sp.

Nigra, opaca, superne laevis; antennis nigris (articuli ultimi desunt), articulo secundo primo duplo longiore et latitudini verticis oculique unici longitudine subaequali, subcylindrico, primo parum graciliore, basi constricto; margine apicali corii externe apiceque cunei pallide flaventibus; tibiis flaventibus, spinulis tibiarum posticarum e punctis distinctis nigris nascentibus, his tibiis etiam basi fuscescentibus; tarsis fuscis, basi flavescentibus. Long. ♂ $2\frac{1}{3}$ mm.

Caracas d. 22 julii, unicum specimen.

Caput vertice maris oculo parvo triplo latiore. Rostrum obscure testaceum, articulo primo apiceque nigris. Pronotum latitudine basali circiter $\frac{2}{5}$ brevius, apice quam basi circiter duplo angustius. Hemielytra membrana nigricante, macula minuta ad apicem cunei hyalina.

32. *Sthenarus apicalis* n. sp.

Niger, nitidus, superne tenuissime pallido-pubescent, hemielytris squamulis aureis facile divellendis immixtis, pronoto,